

暑假想去蒲,唔想热到成身汗,又要美美出片,深蓝的海洋馆可以一次满足你嘅三个愿望。身处蓝色的空间,睇住浮动的水面,自己都觉得凉浸浸咁,呢个时候再 follow 埋 Color 的小tips,蓝色海洋大片轻松搞掂!

张子殷/文、图 Wancy/模特

解锁清凉, get 深蓝大片



同动物做个Friend

嚟到海洋馆,就梗係要同海洋生物一起合影啦。企喺玻璃缸面前,等待灯光变幻,当灯光变换到你中意嘅颜色,按下快门,就可以 get 到不同颜色的水母合照啦。不过,海洋馆的重头戏,应该係更加大型的海洋生物,例如白雪雪、滑捩捩的白鲸。白鲸係非常聪明嘅海洋生物,智慧远超过其他海洋哺乳动物,甚至可以明白人类嘅指示,当你向白鲸招手,佢睇到会向你靠拢。在等待白鲸经过的时候,你要迅速调整好姿势,调低手机或相机的曝光量,便可以捕捉到你同白鲸嘅浪漫瞬间;指尖 touch 嘅心灵相通,心声互诉的灵魂对话……仲有鱼群游过时的剪影照,都係好有feel嘅moment嚟㗎。



氛围感大片 pose

只要搵到适合自己的pose,即使唔睇镜头,分分钟影出大片,“镜头尴尬症”通通say goodbye。除咗比耶,Color 准备了三个充满氛围感的动作给大家参考。第一个係用手触碰玻璃,睇住玻璃柜里面的生物,营造出一种与海洋生物互动的感觉;第二个係45度仰望上方,文静又自然,这个动作令静谧而岁月静好的感觉扑面而来;第三个动作係席地而坐,还可以抱住膝盖,强烈对比出海洋馆宏大,以及衬托出自己的娇小。

轻松出片Outfit

虽然喺海洋馆有任何着装要求,但是Color 都想介绍翻啲合适嘅搭配俾大家,等大家去到海洋馆、随手出片so easy。在海洋馆里面,大部分环境都係深蓝的,穿白色衣服会更容易出影,因为但可以反射海洋馆的蓝光,拍照的时候,你就不会同背景嘅水融为一体。男仔可以穿白色衬衫,女仔可以穿白色裙子,企埋一齐就係情侣装。仲可以使用白色头戴式耳机、小夜灯、书本等道具,丰富照片的内容。最后,Color 要提醒大家,喺海洋馆里面不要使用闪光灯,以免吓亲小动物。



一直以来,大家都会用相片留住最珍贵的回忆。想把相片摆喺办公台、挂喺房间,我哋仲需要一个靓靓的相框。觉得市面的相框太过千篇一律,就不如试下用自己动手做一个啦!“全能选手”奶油胶可以让旧相框焕发新生,点亮你的难忘时刻,展示你的独家回忆。正逢Color 20岁生日,呢次就带你整个生日主题的相框,一齐框住呢个好日子啦!

黄译萱/文 张子殷/图

框住独家记忆

鸣谢:

咩咩手工馆


地址:六运小区六运三街15号202

营业时间:周一至周日 14:00-20:00



任性玩

奶油胶係有黏性的奶油质地手工材料,用起身就好似帮蛋糕裱花咁,但质地柔软轻巧、易塑形,干咗之后会变得牢固又鲜艳,非常容易上手,亦好适合用嚟创作。用唔同颜色的奶油胶挤出唔同花纹,你就可以得到一个独一无二的相框。如果你唔知点样拣颜色,可以按照你所选零件的风格,拣2-3种同一个色调的颜色搭配。颜色单调啲都唔紧要,你可以把心思花喺花纹制作上。奶油胶单用一个八齿嘴,就可以挤出各式各样的纹路,比如贝壳、星星、玫瑰、爱心、祥云、波浪等纹路。呢次可乐君就拣“裤子”花纹,把两个颜色编哋一齐,简简单单就得出一个得意的花边。要注意的是,挤奶油胶时要保持手同相框的稳定,如果唔小心“踩过界”,可以用纸巾轻轻擦掉。



嘟手整



百变黏

奶油胶自身有黏性,轻轻一按就可以把胶粒零件固定,大家就可以根据自己喜好打造不同风格的相框;小天使搭配珍珠粒的巴洛克风格相框,糖果搭配奶瓶就係童趣风格,而最热门的风格就係用卡通公仔来装点相框啦!另外,你仲可以把钟意的盲盒公仔摆埋上去,同你一齐“回忆”相片中的时光。除咗可以粘胶粒,奶油胶仲可以粘喺任何材质的相框上面,比如挂喺书包上的钥匙扣相框,用奶油胶去装饰下,创作专属相框随身带出去威。如果你手上有用完的拍立得相纸盒,可以用奶油胶装点一下,相纸盒即刻变身拍立得相框。不过,如果你係初哥,建议先喺表面积较大的基础上创作,比较容易上手!

1、准备材料



选择2-3种自己钟意的奶油胶,按照相框粗细选择合适的裱花嘴。今次我哋用的係八齿裱花嘴,可以挤出较为饱满且清晰的花纹。

4、设计相框



因为奶油胶放耐变干就唔容易加插零件,所以挤胶前要先设计下零件的摆放样式,用手机记低摆放的位置,让自己好参照。

2、选择零件



按照相框风格,加啲可爱的零件做装饰,比如生日主题。可乐君就拣咗啲小蛋糕零件来装点。

5、开始挤胶



把奶油胶挤喺相框上,可以先把角落填满,再铺满整个边框。要注意,唔好将奶油胶挤在相框中间。

3、装裱花嘴



先把里边啲裱花袋剪开小口,套上裱花嘴,再把奶油胶往前推填满裱花嘴,最后剪开另一个裱花袋套喺外边,记得要剪大啲露出裱花嘴的花纹。

6、放置零件



睇住之前想好的设计图,把零件放插入奶油胶中,再用手轻轻往下压实。用糖豆、星星、爱心等小零件点缀,帮相框加啲“高光”。

把相框平放,自然风干,等奶油胶变硬就算完成制作啦!

成品